

grandissimo sequito, et è molto favorito dal duca di Saxonìa, per veder si con questo mezo si potesse tuorli il favore et seguito lui ha, et si forma la bolla. Ma il modo che hanno tenuto ne la congregazione non è stato troppo buono, perchè a l'improvviso sono stà lete le propositione dil frate ditto, e dimandati li voti, il dito frate Martino dimostra di tuore li soi fondamenti principalmente da li Evangelì; ben admette li doctori di la Chiesa come Sancto Agustino etc., ma non altri doctori. Di San Thomàso, Scoto et simili se la ride; la cosa è molto scandalosa.

142¹⁾*Exemplum.**1519 Die XI Februarii, in Consilio X
cum additione.**Excellentissime!*

Essendo stà reformà i monasterii de le monache Conventuale de questa cità nostra per benignità et clementia dil nostro Signor Dio, l'è *etiam* ben conveniente meter tal ordene et forma che i monasterii loro non siano vexati et perturbati de persone inique et scelerate *cum* offension de la divina Majestà, et però :

L'andera parte, che salvè et reserveate tute parte et leze *in hac materia* sì poste in questo Consejo, come *etiam* ne i altri Consegli nostri a questa non repugnante, sia preso et *firmiter* statuito, et cussi publicà ne le scale nostre de Rialto, che l'non sia alcuna persona in questa cità et destretto, *seu* ducato, *etiam* che fusseno parenti in qualunque grado de parentela, che ardisca nè presumi per licentia impetrata *quocumque*, nè per alcun modo, forma over ingegno parlar cou monache de alcun monasterio conventual nè in parlatorio, nè a le porte, nè in chiesia, nè a le fenestre, nè in alcun altro luogo, salvo padri et fradeli barbani, zermani, zoë fradelli e fioli de fradeli, et sorele de padre et de madre et cugnadi, et a le grade solamente, et de hora de terza fino a le campane del prandio, et da vesporo fino a le campane de cena, over fino a hore 23 et non avanti, nè da poi dite terminate hore, sotto pena di ducati 50 per cadauna volta et de star mexi 6 serati in preson et privi de Consejo, officio et beneficio per altri mexi 6 essendo nobeli, et essendo cittadini o forestieri, de exilio di questa terra et destretto per un anno oltra le pene pecuniarie et preson, *ut supra*.

Et a le medesime pene sotzassano quelli anda-

rano de zorno o de note molestando i monasterii, over altri reduti de le monache preditte.

Quelli veramente condurano, over farano condur le monache fuora de li monasterii, over condute da altri li darano alcun recapito, *nemine exceptuato*, 142¹⁾ cauzino a pena de ducati 100 et de star anno uno in preson seradi, et poi siano privi per un altro anno de Consejo, officio et beneficio essendo nobeli, et essendo cittadini o forestieri per anni do de exilio de questa cità et destretto, oltra la pena pecunaria et de preson, *ut supra*.

I barcharuoli veramente le conducesseno *scienter* siano frustadi et bolladi, pagino lire 100 de pizoli, et poi siano banditi de questa cità et destretto per anni 3.

Item, niuno mondano et secular de ciascadun grado se sia, femena o mascolo, possi pernoctar, nè abitar, nè dormir in ditti monasterii, *nee etiam* tra li claustrì de essi sotto la pena predita.

Habino li accusatori, per le accuse de' qual se haverà la verità, la mità de la parte pecunaria sopposta de i beni de i delinquenti, se ne sarano *sint aut* de i danari de la Signoria nostra, sicomme altre volte del 1514 a dì 8 Avosto fo deliberado in questo Cōsejo.

La execusion veramente de la presente parte sia commessa a i Avogadori nostri de comun, come a quelli a chi è stà demandata tale provintia li mesi passati per deliberation de ditto Consejo.

A dì 14. La matina, vene il Legato in Colegio et parloe zercha le monache di la Celestia che non hanno da viver le Conventual, et si provedi a questo, dicendo aver uno breve dil Papa auto che li commete tal cosse a lui, levandole de le man dil Patriarcha, come in quello se contien.

Di Milan, fo letere dil secretario Caroldo. Come a Zenoa era zonto frà Bernardin con galie armate per il Christianissimo, re per dar socorro a quella parte regia in caso di ogni desturbo.

Di Verona, di sier Francesco da cha' da Pexaro orator nostro. Come havia fato una scritura in risposta di quanto richiesto era per li agenti cesarei, la qual sarà notada qui avanti.

Da poi disnar, fo Colegio di la Signoria col Principe per dar audientia a li Cai di X, voleano el so' Consejo per expedir li Zeehnati di Vicenza; ma Nicolò Aurelio era indisposto, però non fu fato.

Si ave, sul tardi, per *letere di Liesna, di 5*, come la galia, soracomito sier Zuan Antonio Taja-piera, imbatuda in una fusta di banchi 22, capita-

(1) La carta 111* è bianca.